

# In gi da premi perfetg

Sonda ha l'Uniu da tratga da biestga Lumnezia organisau il premi da genetschas a Vella. Puspei eis ei stau pusseivel d'organisar ina vera sentupada purila. Gl'expert Dario Zinsli ha valetau 73 animals. La Tamara da Patric Capaul da Lumbrein ha el tscharniu sco la megliaera dallas meglieras.



La Tamara cuagl expert Dario Zinsli (dretg), ils fegls dil possessur Patric Capaul ed il gidonter el rudi, Marco Zinsli (sen.). FOTO PIEDER ALIG

AUGUSTIN BEELI/FMR

Gl'expert *Dario Zinsli* da Thalkirch en Stussavgia ha commentau suandontamein il premi da genetschas Lumnezia 2021: «Igl ei stau per mei extrem grev da seleziunar ord ina propi excellenta qualitat. Quels animals fan la megliaera reclama per la tratga lumneziana». Pli-ras gadas ha el puntuau che era quellas che hagian stuiu bandunar il rudi, pia quellas ch'ei buca vegnidas ella seleziun finala, hagian mussau ad el ch'ils allevaturs sestentien cun success per la tratga brina. Sonda suentermiezgi, entuorn las 14.30, ei stau il punct culminant dil gi. Dario Zinsli ha elegiu la miss Lumnezia 2021. Sco campionesa dil gi ha el tscharniu la Tamara ord il nuegl da *Patric Capaul* da Lumbrein. Muossa, lingia superiura, garlets, ossadira, iver uliv cun tetels bein reparti sco era lunghezia dalla butschida ha el giu da valetar.

## Buca mo purs lumnezians

La genetscha numra 14, ed era la secund-rangada, la Barcelona culla numra 73 ord il nuegl dad *Urs Spescha* da Surcuolm, seigien dadas en egl ad el immediat cu ellas ein vegnidas el rudi. Diferenzas minimalas han decidu ils emprems rangs dallas meglieras. Gl'avonmiezgi havevan ils purs presentau el rudi quei ch'els han tratg, oravontut per la produziun da latg. Era ina partizun cun original brinas da treis allevaturs ein stadas sil plaz ed el rudi, ellas ein adattadas per la produziun cumbinada.

16 allevaturs han presentau 73 animals. Buca mo purs lumnezians, era da Flond, Surcuolm e Luven han menau animals a Vella e schau giudicar els. Sco Dario Zinsli ha confirmau, ha el giu in grond tschaffen da vegnir en Lumnezia per s'informar ed observar il stan dalla tratga. Il giuven expert viseta numerusas exposiziuns regionalas e nazionalas.

Gl'avonmiezgi ha el preseleziunau ils animals pil final ch'ei suandaus suenter genter. El rudi, semtgaus sco adina sil parcadi dallas pendicularas, ha in grond pievel interessaus all'agricultura tedlau e mirau. *Paul Caduff*, il president dall'Uniu da tratga da biestga Lumnezia, trai bilanza e gi: «Per l'ina eis ei bi che nus havein saviu far puspei enzatgei. Lu ei l'atmosfera sil plaz, cun tonta glieud, bia famiglias da purs e la bial'aura, stada grondiusa». Ils bien 45 commembers dall'uniu ein stai engaschai dapertut. Suenter che *Oscar Blumenthal* haveva moderau biars onns l'occurrentza, ei Urs Spescha staus l'emprema gada en quella funcziun.

## Roscha affons all'exposiziun

Il pur giuven da Surcuolm ha dau las informaziuns tenor il catalog dils animals. Avon l'elecziun dalla «Miss» ha Paul Caduff undrau in menaschi lumnezian che tegn in taur. A *Marcel Caduff* ha el surdau ina renconuschientscha officiala. Da

## Rangaziun

### Partizun 1, genetschas

1. Barcelona, Urs Spescha, Surcuolm; 2. Tekila, Pieder Caviezel, Surcuolm; 3. Santana, Alexander Casanova, Lumbrein; 4. Paola, Renzo Blumenthal, Vella; 5. Madita, Marco Arpagaus, Cumbel.

### Partizun 2, genetschas

1. Tamara, Patric Capaul, Lumbrein; 2. Madleina, Pieder Caviezel, Surcuolm; 3. Astro, Paul e Simona Caduff, Morissen; 4. Valaska, Renzo Blumenthal, Vella; 5. Rizzi, Toni Cadonau, Flond; 6. Simona, Bruno Arnold, Lumbrein.

### Partizun 3 genetschas

1. Faida, Paul e Simona Caduff, Morissen; 2. Santoria, Pius Riedi, Morissen; 3. Bassora, Paul e Simona Caduff, Morissen; 4. Jura, Paul e Simona Caduff, Morissen; 5. Nancy, Bruno Arnold, Lumbrein; 6. Ozeana, Pieder Caviezel, Surcuolm.

### Partizun 4 genetschas

1. Naldo, Bernard Capaul, Lumbrein; 2. Zigana, Patric Capaul, Surcasti; 3. Jacky, Peter Rohrer, Vattiz; 4. Arlette, Marco Arpagaus, Cumbel 5. Silla, Flurin Zinsli, Cumbel.

### Partizun 5, genetschas

1. Amarone, Toni Cadonau, Flond; 2. Andorra, Fabian e Laura Cabalzar, Lumbrein; 3. Juvela, Gion Peder Vinzens, Luven.

### Partizun 6, genetschas

1. Lotus, Renzo Blumenthal, Vella; 2. Sina, Peter Rohrer, Vattiz; 3. Shorly, Pius Riedi, Morissen; 4. Bahamas, Urs Spescha, Surcuolm; 5. Mandolina, Marco Arpagaus, Cumbel.

### Partizun 7, vaccas, 2 lactaziuns

1. Thala, Gion Peder Vinzens, Luven; 2. Mil-

wa, Marco Arpagaus, Cumbel; 3. Zorina, Bernard Capaul, Lumbrein; 4. Tina, Bernard Capaul, Lumbrein; 5. Laica, Fabian e Laura Cabalzar, Lumbrein; 6. Hildi, Bruno Arnold, Lumbrein.

### Partizun 8, vaccas, 3 lactaziuns

1. Murielle, Pieder Caviezel, Surcuolm; 2. Corina, Patric Capaul, Surcasti; 3. Costa, Toni Cadonau, Flond; 4. Senta, Peter Rohrer, Vattiz; 5. Ventura, Pius Riedi, Morissen; 6. Mia, Toni Cadonau, Flond.

### Partizun 9, vaccas veglias

1. Binia, Renzo Blumenthal, Vella; 2. Loria, Renzo Blumenthal, Vella; 3. Sarina, Bruno Arnold, Lumbrein.

### Partizun 10, vaccas, brinas originalas

1. Jalta, Peter Rohrer, Vattiz; 2. Genj, Peter Rohrer Vattiz; 3. Resi, Bruno Arnold, Lumbrein; 4. Sabrina, Alexander Casanova, Lumbrein; 5. Ulrika, Peter Rohrer, Vattiz.

### Cup da menaschi

1. Faida e Rosella, Paul e Simona Caduff, Morissen; 2. Paola e Valaska, Renzo Blumenthal, Vella; 3. Worja e Santoria, Pius Riedi, Morissen.

### Bi iver, genetschas

1. Barcelona, Urs Spescha, Surcuolm; 2. Tamara, Patric Capaul, Lumbrein; 3. Faida, Paul e Simona Caduff.

### Bi iver, vaccas

1. Zorina, Bernard Capaul, Lumbrein; 2. Binia, Renzo Blumenthal, Vella; 3. Milwa, Marco Arpagaus, Cumbel.

### Victoria dil gi «Miss Lumnezia 2021»

1. Tamara, Patric Capaul, Lumbrein; 2. Barcelona, Urs Spescha, Surcuolm.

siu bein Vonporta a Morissen deriva Bunin, in taur ch'ei recepiv da «BestGenetics» per qualitat superiura. La mumma da Bunin ei Beverly, ina Lumneziana renomada ella tratga da biestga brina.

Suenter genter ein las meglieras vegnidas el rudi. Aunc avon la rangaziun finala cul cup da menaschi sco era la victura dil gi ein ils affons stai el center. L'uniu da tratga da biestga havevan en-

vidau els da far in maletg da lur menaschi e da presentar quel il gi d'exposiziun. Ina roscha affons ein separticipai. Els ein vegni el rudi, cun mintgin d'els ha Paul Caduff fatg ina cuorta intervista cul microfon. Suenter ha gl'expert Dario Zinsli tscharniu la megliaera gruppa sil plaz, sco era la genetscha e la vacca cul bi iver. Igl ei en scadin cass qualitat lumneziana.

# Lagenberg ha aunc divers misteris

La fundaziun Platta Pussenta ha mussau alla populaziun da Laax e contuorn la ruina Lagenberg sigl Uaul Casti. Ina part dalla historia medievala dil vitg ei ussa veseivla naven dalla Senda dil Dragun.

AUGUSTIN BEELI/FMR

La Senda dil Dragun, la nova attraziun a Laax, inaugurada officialmeins il 10 da fenadur, ha tratg entochen uss varga 70'000 visitaders. Gest ellas vacanzas d'atun ei la passarella da varga in kilometer e miez stada frequentada stediamein. Sigl'emprentoc da quella vesan ins, mironde in direenziun sidost amiez gl'ual, mirs che paran construi da carstgauns. Ins percorscha ch'ei sto esser las restonzas dil vegl casti medieval da Lagenberg.

## Accumpignament scientific

Sonda vargada ha *Corsin Caduff*, commember dil cussegl dalla fundaziun Platta Pussenta, rendiu attent a quel ed a sia muntada per Laax. La stad vargada ha quell'instituziun, en collaboraziun culla Pro Laax, realisau in project da conservar las ruinas ed arver migeivlamein gl'areal sin ina collina amiez gl'ual.

Al gi da Platta Pussenta han ils sponsabels vuliu presentar las lavurs alla populaziun. La perdetga da temps dagitg vargai ei buca pli zuppada egl Uaul Casti. Ella duei rinforzar la schientscha culturhistorica. Gl'archeolog *Christoph Walsler*, collaboratur dil Survetsch archeologic dil Grischun, ha

accumpignau il project. Sonda ha el mussau ed explicau ils resultats da divers sondaziuns cun radar ch'el ha fatg el terren circumdant da Lagenberg. Quellas examinaziuns radiologicas han cumprovau ch'il sutterranean porscha aunc surprisas. La structura topografica collinusa encunter sid dalla tuor principala ei buca casuala. Sut ils crests e las valletas surcarschi ein ulteriurs mirs che s'audan tiel complex.

Lagenberg, construiu avon 800 onns sco center d'in contadi habsburghes dils Libers da Laax, cuntegn vinavon misteris, quels restan zuppai sut il tschespet e humus. Futuras generaziuns duegien era haver a disposiziun in areal d'excavaziun, ha *Erwin Ardüser*, il president dalla fundaziun Pro Laax puntuau a caschun dalla viseta sigl areal. Avon ch'entscheiver las lavurs dil project, haveva il revier forestal Sagogn-Laax pinau plantas e cagliom entuorn ils mirs. Gl'impressari *Othmar Caviezel* da Tumeigl, specialisau sin tals projects, ha schubergiau precautamein la ruina ensem cun dus da ses luvers. Cun maula ch'el fa sez ha el curclau las crunas dils mirs dalla tuor principala. *Murièle Jonglez*, meinagestiu dalla fundaziun Platta Pussenta, ha organisau gl'entier project e coordinau las lavurs.



Amiez ils mirs da Lagenberg, da sen. Christoph Walsler, Erwin Ardüser, Corsin Caduff ed Othmar Caviezel.

FOTO AUGUSTIN BEELI